

فيديو ٠٩٩ من مقاطع حظر التجول تدبر سورة التوبة - الحلقة

٣١ الآيات ٤٣ - ٦٣

فاضل سليمان

يفقهوا قولي السلام عليكم ورحمة الله وبركاته اهلا بحضراتكم في المقطع رقم تسعمية وتسعين من مقاطع حظر التجول والحلقة الثالثة عشر من حلقات تدبر سورة التوبة ارجو من حضراتكم تجميعوا المصاحف. وافتح معي الايتين اربعة وتلاتين وخمسة وتلاتين واقرأهم معي - [00:00:00](#)

يلا افتح معي اربعة وتلاتين وخمسة وتلاتين وقلب قلب وهات اربعة وتلاتين وابدأ اعوذ بالله السميع العليم من الشيطان الرجيم يا ايها الذين امنوا ان كثيرا من الاحبار والرهبان ليأكلون - [00:00:34](#)

هنا اموال الناس بالباطل ويصدون عن سبيل الله. والذين يكنزون الذهب والفضة ولا ينفقونها في سبيل الله فبشرهم بعذاب اليم يوم يحمى عليها في نار جهنم فتكوى بها جباههم. فتكوى بها جبال - [00:00:56](#)

هذا ما كنزتم لانفسكم. فذوقوا ما كنتم بعد ما ربنا قال لنا آآ ان اهل الكتاب اتخذوا احبارهم ورهبانهم اربابا من دون الله عبدوا بقى القديسين وعملوا لهم صور وتمائيل وولعوا لهم شموعه وبقوا يطلبوا منهم ويدعوهم بدل ما يدعوا ربنا - [00:01:33](#)

آآ واحلوا لهم الحرام وحرّموا عليهم الحلال وبقى يسمعون كلامهم وهذه عبادتهم لهم ربنا قال بقى دلوقتي انهم مش بس لا يستحقوا هذا التعظيم لانهم بشر لأ ده كمان معزمهم فاسدين - [00:02:17](#)

فاسدين فساد مالي. ببسرقوا فلوس التبرعات. صناديق النذور اللي في الكنائس بتتفتح وبتتقلب بياخدوا رشاي من الناس. لما يحكموا بينهم في خلافاتهم. فالي يدفع ويحط في الدرج قرشين يطلع الحكم في صالحه - [00:02:37](#)

يأكلون اموال الناس بالباطل. اقرا كده يا ايها الذين امنوا ان كثيرا مش كلهم. وده الموضوعية بتاعة القرآن القرآن دايم ما يعممش. ان كثيرا من الاحبار والرهبان لا يأكلون اموال الناس بالباطل - [00:02:57](#)

بياكلوا اموال الناس بالباطل. ببسرقوها وبياخدوها رشاي ويصدون عن سبيل الله مش بيقولوا الناس الحقيقة. مش بيقولوا للناس عن ادلة نبوة النبي صلى الله عليه وسلم اللي موجودة في كتابهم. مش بيضلوا الناس بيصدوا الناس عن دين ربنا - [00:03:17](#)

كده دي اصبحت نهاية الكلام عن اهل الكتاب. وربنا هيتكلم بقى عن جريمة عدم اخراج الزكاة لما ربنا ذكر جرائم اهل الكتاب جعل جريمة اكل الاموال هي اخر جريمة كان ممكن هو ذكر جرائم تانية - [00:03:38](#)

ان هم لا يحرمون ما حرم الله ولا يدينون دين الحق لكنه جعل اخر جريمة هي اكل الاموال عشان بعدها يذكر موضوع اكل حقوق الفقراء اللي هي الزكاة. عدم اخراج الزكاة - [00:03:58](#)

وده اللي شرحناه قبل كده حاجة اسمها حسن التخلص. لما القرآن بينقلك من موضوع لموضوع تاني ما تشعرش ان فيه نقلة نتيجة ان القرآن بينتقي يعني يعني آآ نقطة معينة في الموضوع الاولاني ينهيها به. ينهي الموضوع الاول به. فتكون مناسبة للموضوع -

[00:04:16](#)

التاني فما تشعرش بنقلة ما تشعرش بحاجة ما تشعرش بخبطة. ما تشعرش ان فيه لحام بين الموضوعين. بتبقى النقلة سلسلة يا ايها الذين امنوا ان كثيرا من الاحبار والرهبان ليأكلون اموال الناس بالباطل ويصدون عن سبيل الله - [00:04:36](#)

والذين يكنزون الذهب والفضة ولا ينفقونها في سبيل الله. فبشرهم بعذاب اليم. ده بقى كلام عام كلام عام مش بس اهل الكتاب

والذين يكتزون الكنز يعني الادخار والتحويش الناس اللي بتحوش الذهب والفضة - [00:04:57](#)

وطبعا في الاسلام الذهب والفضة اسمهم النقدين. دول عملتين. دول هم العاملتين. الناس لما تتعامل بالذهب والفضة بتصبح المعاملة عادلة. لكن حنة الورقة دي لو هي مش متغطية بذهب في البنك المركزي كارثة. فلوس الناس بتروح - [00:05:19](#)

انت ماسك حنة ورق ما لهاش قيمة. لكن اللي بيديها قيمة هو ان انا الناس كلها معترفة بها فبنجوز بقى بعض بها مهر وبنستحل بها الفروج يعني خلاص يعني بتعتبر نقد لكن في الحقيقة - [00:05:39](#)

نقدين الحقيقيين هما الذهب والفضة الدينار الذهب والدرهم الفضة الدينار اظنه اصله اصلا من عند الرومان والدرهم اللي هو الدراخما. اللي ايه؟ اللي من عند اليونان الناس اللي بيعوشوا الذهب والفضة - [00:05:57](#)

فبشرهم بعذاب اليم. ازاى يعني كل واحد بيعوش فبشره بعذاب اليم الله! ده كان فيه صحابة مليونيرات. يعني سيدنا عبدالرحمن بن عوف مسلا ده من العشرة المبشرين بالجنة من العشرة المبشرين بالجنة - [00:06:16](#)

لما مات كان عنده اربع زوجات يعني الاربع زوجات دول بيقسموا تمن التركة. يبقى كل واحدة هتاخذ واحد على اتنين وتلاتين من التركة كل واحدة منهم نصيبها اللي هو واحد على اتنين وتلاتين ده كان تمانين الف دينار ذهب - [00:06:34](#)

الاربعة مع بعض نصيبهم بالتمن. يبقى التركة كانت تلتمية وعشرين الف دينار ذهب تلتمية وعشرين الف دينار ذهب. يعني آ لا انا اسف انا اسف لا انا اسف. الاربعة الاربعة نصيبهم تلتمية وعشرين الف دينار ذهب - [00:07:01](#)

يبقى التركة اكتر من اتنين ونص مليون دينار ذهب. طبعا كلمة مليون ما كتش موجودة وقتها. كان يتقال اتنين ونص الف الف الف يعني مليون ده ده ما اسمهاوش كنز ده كنز - [00:07:21](#)

العلماء قالوا المال المزكى ليس بكنز يعني طالما الفلوس طلع عليها زكاة مالها اتطهرت ما بقاش اسمها كنز طالما دافع زكاة مالك يبقى المال المدخر بتاعك ده حلالك بلا لك خلاص مش كنز الكنز محرم يؤدي بك الى عذاب النار يعني ايه - [00:07:35](#)

يعني الاتنين ونص في المية دول لما بيطلعوا اللي هو ربع العشر ده اسمهم زكاة زكاة يعني ايه؟ زكاة من يزكو يعني ينمو يزكى يعني يظهر كلمة زكاة بتجمع بين معنى الطهارة والنمو - [00:08:02](#)

نمو ازاى؟ يعني انا اما باطلع فلوس من فلوسي. انا هي كانت بتنمو؟ اه. ازاى؟ ما هو انت لما بتطهرها من حقوق الفقراء ربنا بيبارك فيها فبتنمو - [00:08:25](#)

فالاتنين ونص في المية دول زكاة تطهير السبعة وتسعين في المية ونص دول بقى بيبقوا حلال. لو اتنين ونص في المية ما خرجوش مية في المية كله اصبح مال حرام - [00:08:38](#)

حرام كله مال حرام. لازم الدين اللي عليك للفقراء يطلع كمل بقى فبشرهم بعذاب اليم يوم يحمى عليها في نار جهنم فتكوى بها جباههم وجنوبهم وظهورهم هذا ما كنزتم لانفسكم فذوقوا ما كنتم تكنزون - [00:08:49](#)

فبشرهم بعذاب اليم. امتى؟ امتى العذاب الاليم ده ما احنا شايفين المليونيرات اللي مش بيطلعوا زكاة عايشين ومبسوطين ومش بيعزبوا ولا حاجة لأ فبشرهم بعذاب اليم يوم يحمى عليها في نار جهنم - [00:09:15](#)

عذابهم في الآخرة في نار جهنم وهيبقى من اي نوع من العذاب بقى. عذاب نفسي ولا عذاب مادي الفلوس دي هتتسخن لغاية ما المعدن بتاعها يحمر كده ويبقى زي المكواة - [00:09:34](#)

فتكوى بها جباههم والوشوش هتكوى وجنوبهم ومن الجنب هيكوى. وظهورهم ومن ظهره هيكوى. فلا هيبقى عارف ينام على وشه ولا على جنبه ولا على ظهره ولا عارف يقعد على المقعدة بتاعته - [00:09:52](#)

كل ملتهب من كل حنة مقترح من كل اتجاه فتكوى بها جباههم وجنوبهم وظهورهم ليه كل ده؟ لانهم حرامية. سرقوا فلوس الفقراء ده ده يا ريتهم سرقوا فلوس الاغنياء دول سرقوا فلوس الفقراء - [00:10:11](#)

الزكاة يا جماعة هي حق الفقراء يعني قال بعض العلماء يجوز للفقراء ان يخرجوا على الاغنياء بالسيف ياخدوا حقهم لو الاغنياء منعوها اكتر من كده؟ حق الفقراء اللي ما بيخرجش زكاته لص - [00:10:29](#)

بس مش اي لص اللصوص بينقوا كده البيت الفخم البتاع عشان يبقى عارف ان هو هيدخل يجيب ايه الحاجات الغالية والمجوهرات اللي ما بيخرجش الزكاء لص يسرق الجوعى والايتام والعريانين - [00:10:50](#)

يعني مش عارف اقول ايه يعني اسوأ نوع من اللصوص اقدر نوع من اللصوص اللي بيسرق الفقراء يقول لك الكحة الكحة في ايد اليتيم عجة هو ده اللي ما بيطلعش الزكاء ده بيسرق الفقراء - [00:11:12](#)

وهم بتكوى بها جباههم وجنوبهم وظهورهم يقال لهم ايه بقى؟ هذا ما كنزتم لانفسكم. المكاوي اللي بتتكوي بها دي ده دي الفلوس اللي كنزتها لانفسكم فذوقوا ما كنتم تكنزون. كنتم عمالين تحوشوا - [00:11:28](#)

عشان تعمل بها ايه؟ عملتم بها ايه؟ متوا وسبتوها متوا وسبتوها ياما ناس نامت جعانة من غير عشا ولا غدا بسبيكم فلوسهم كانت في حساباتكم كان لازم تخرجوها بس انتم بخلتم بها - [00:11:49](#)

عاوز اقول لكم حاجة بقى في الظروف اللي احنا فيها دي غلاء اسعار وظروف ناس صعبة ولاجئين وغيرهم اه يا جماعة نصيحة ما تخرجوش اتنين ونص في المية. ربع العشر ده اقل ما يمكن انك تخرجه - [00:12:10](#)

لو انت ضاعفت زكاة مالك وبديل اتنين ونص خرجت خمسة في المية هتتفأ ربنا ترك لك خمسة وتسعين في المية عندك خمسة وتسعين في المية فانت مش هتتفقر لكنك هذه التجارة مع الله تجارة مع الله ربنا هيعوضك اضعافا مضاعفة - [00:12:30](#)

في الدنيا وابقى تعال قل لي هتشعر ان ربنا بيقول لك انت فاكرك نفسك كريم؟ طب تعال اوربك الكرم هوريك الكرم بس تاجر مع ربنا. تاجر مع ربنا اضرب زكاتك في اتنين وفي ثلاثة انت خسران ايه! ما انت عندك لسة تسعين اتنين وتسعين ونص في المية وخمسة وتسعين في المية! مش هتتفقر والله - [00:12:52](#)

جرب جرب تاجر مع الله استشعر الام الفقراء اللي انت بتوقفها اللي انت بتسد جوعهم استشعر هذا طيب ان هذه الفلوس هي امتحان لك. اختبار لك ستة وثلاثين وسبعة وثلاثين - [00:13:14](#)

ان عدة الشهور عند الله اثنا عشر شهرا في كتاب الله يوم خلق السماوات والارض منها اربعة حرم ذلك الدين القيم. فلا تظلموا فيهن انفسكم وقاتلوا المشركين كافة كما يقال - [00:13:40](#)

يقتلونكم كافة. واعلموا ان الله مع المتقين. انما النسبي زيادة في الكفر يضل به الذين كفروا يحلونه عاما ويحرمونه عاما. ليواطئوا عدة ما حرم الله فيحل ما حرم الله زين لهم سوء اعمالهم والله لا يهدي القوم الكافرين - [00:14:03](#)

من انواع الغش والخداع والتلاعب وتلاعب مشركي العرب بالاشهر الحرم. وزي ما قلنا كده الاشهر الحرم دي هي اربع شهور. ثلاثة سرد وواحد فرد سرد يعني ورا بعض اللي هم ذو القعدة وذو الحجة والمحرم - [00:14:35](#)

طبعا للأسف كتير من المسلمين ما يعرفوش الاشهر العربية. فعشان اسهلها عليكم ذو الحجة هو اخر شهر يعني شهر اتناشر بتاع السنة الهجرية. هو ديسمبر بتاع السنة الهجرية. خلاص؟ شهر اتناشر. ده ذو الحجة. خلاص؟ قبله على طول كلنا عارفين. ذو القعدة - [00:15:04](#)

يبقى ذو القعدة شهر حداثر بعد ذو الحجة اللي هو ما احنا ذو الحجة اخره بالايه بداية السنة الهجرية. اول شهر اسمه المحرم. يبقى ذو القعدة وذو الحجة والمحرم دول ثلاث شهور ورا بعض. المحرم هو شهر واحد. ماشي؟ طيب - [00:15:22](#)

دول الحكمة من تحريم القتال فيهم هو ان الناس تأمن على نفسها من الاغارة يبقى فيه غارات بتحصل على قوافل الحجاج وقوافل التجارة فلما الناس تأمن في الثلاث شهور دول يبقى معروف كده ان عيب اوي اوي ان انسان عربي يطلع يغير على - [00:15:39](#)

قافلة في او يعتدي على حد او بتاع في الاشهر الحرة. فالناس تبقى حاسة بالامان وتخرج تحج وقوافل التجارة تروح وتيجي وكل ده تمام يخرجوا في شهر ذو القعدة يروحوا يوصلوا مكة يقعدوا فيها شهر يحجوا وينبسطوا ولا مكة بتبقى فيها - [00:16:04](#)

آ معارض دولية منها معارض ثقافية معارض يعني بيبقى فيه مهرجانات شعرية بتقام في مكة ومسابقات بين القبائل في الشعر والفخر والكلام دوت والسباقات خيل والسباقات جمال ورهان وحاجة معارض حاجة مهرجان يعني - [00:16:22](#)

مهرجان. المهم خلاص الناس قعدت وحجت وانبسطت شرق ترجع بلادها في الشهر اللي بعده اللي هو المحرم بعد المحرم بيجي شهر

صفر ده شهر اتنين اللي هو فبراير بتاع السنة الهجرية - 00:16:42

ثم ربيع اول. ثم ربيع ثاني. ثم جمادى اول ثم جمادى ثاني. كده بقينا في شهر كم محرم سفر ربيع اول ربيع ثاني جمادى اول. جمادى ثاني اللي هو شهر ستة. شهر سبعة - 00:16:57

رجب شهر حرام برضو شهر حرام فيبقى بعد مرور خمس شهور بيحي شهر حرام او الناس برضو ايه تشم نفسها من الغارات ومن الكلام ده واللي عايز يروح يعمل حاجة اللي عايز يروح - 00:17:14

العمره اللي عايز يطلع بقافله بسرعة يسمى رجب الفذ. الفذ او الفرد يعني الواحد. لانه وحيد مش زي الشهور الحرام الثلاثة السرد اللي وراء بعض ويسمى ايضا رجب مضر رجب مضر. ليه بقى ؟ هاقول لكم كمان شوية - 00:17:30

واحنا بنتدبر الاية اللي بعدها هو احنا بنطبق الاية دي اللي اسمه رجب مودر بالزات يبقى رجب ده رجب طبعاً مش رجب يعني. رجب بالمصري. رجب هو شهر سبعة. كلنا عارفين كده. بعد رجب شعبان رمضان. رمضان شهر تسعة - 00:17:50

خلاص ؟ بس خلاص تمام كده بعد رمضان طبعاً شوال اللي هو شهر عشرة ونخش في الاشهر الحرم ثاني ذو القعدة ذو الحجة. وتكون حفزته بقى. طيب قبل بقى ما نشوف المشركين تلاعبوا ازاى بالاشهر الحرم ؟ - 00:18:11

خلونا نشوف اعجاز جميل جدا في الاية دية ربنا بيقول ان عدة الشهور عند الله اثنا عشر شهراً في كتاب الله يوم خلق السماوات والارض عدة يعني عدد جنبها منين ؟ في سورة البقرة. ربنا بيقول فمن شهد منكم الشهر فليصمه اللي هو شهر رمضان. ومن كان

مريضاً او على سفر - 00:18:26

ممكّن يكسر صيامه ها فعدة من ايام اخر يعني عدد من الايام اللي افطرها يصومها ثاني يريد الله بكم اليسر ولا يريد بكم العسر.

ولتكمّلوا العدة العدد. يبقى العدة يعني العدد. نرجع للاية بتاعتنا بقى دي بتاعة ايه - 00:18:56

صورة التوبة. ان عدة يعني ان عدد الشهور عند الله اثنا عشر شهراً في كتاب الله في كتاب الله اي كتاب القرآن ولا في التوراة ولا في الانجيل ولا يمكن في كتاب رعن في جنس الكتب عموماً لا ده ولا ده ولا ده. امال ايه ؟ في كتاب الله يعني في نظام الله المكتوب -

00:19:17

المقدر هنا كلمة كتاب معناها ما كتبه الله في اللوح المحفوظ اللي هو مكتوب فيه كل شيء مدون يبقى نظام الله اتناشر شهر. حلو قوي. الاعجاز فين بقى علماء الفيزياء او علماء الطبيعة بيقولوا ان الزمان بدأ مع حركة المكان. يعني لما بدأ المكان - 00:19:45

بدأ الزمان ليه ؟ عشان الحركة لازم الشمس تتحرك عشان اليوم يبدأ القمر يتحرك عشان الشهر يبدأ. اذا بداية حركة المكان انطلق الزمان. هنا نقرأ قول الله تعالى ان ذات الشهور - 00:20:14

مم عند الله اثنا عشر شهراً في كتاب الله يوم خلق السماوات والارض عدة الشهور الشهور عبارة عن زمان اتناشر مدة زمنية اتناشر شهر. امتى ؟ يوم ما خلق المكان. السماوات والارض مكان - 00:20:35

كواكب واجرام سماوية. اذا الزمان بدأ بخلق السماوات والارض في كوكب الارض هنا الزمان عندنا اتناشر شهر. اربع فصول صيف وخريف وشتاء وربيع سواء الزمان شمسي او قمري وهم اتناشر شهر - 00:20:57

بنحتاج التقويم الشمسي بتحديد بداية اليوم الشمس مش بتتغير من شهر لشهر. ومش بتتغير من يوم ليوم فما نقدرش نعرف من الشمس بداية الشهر من اخره فالشمس بتحدد لي بداية اليوم واخر اليوم - 00:21:15

لكن التقويم القمري بيحدد لنا بداية الشهر واخر الشهر. يبدأ هلال يعني اول ما بيزهر ده اول يوم في الشهر. ويبدأ يكبر يكبر لغاية ما يبقى بدر في وسط الشهر. وبعدين يبدأ يصغر يصغر ثاني لغاية ما يختفي في اخر الشهر - 00:21:36

والقرآن اعترف بالتقويمين. ما حدش يقول لي احنا ما لناش دعوة بالتقويم الميلادي اسمه التقويم الشمسي ده اسمه التقويم الشمسي. موجود من قبل ما السيد المسيح يولد اصلاً والتقويم الهجري - 00:21:53

احنا سميناه هجري لكن هو اصلاً تقويم آآ قمري برضه موجود يعني اليهود اصلاً بتستخدمه من قبل اصلاً الهجرة. حلو قوي. يبقى التقويم الشمسي والقمري القرآن اعترف بهم فين تعرفوا تقولوا لي اديكم ثلاثين سانية وتكتبوا لي الاية اللي القرآن ذكر فيها

التقويمين دول ؟ الشمسي والقمرى - 00:22:14

يلا وروني كده الناس اللي على الفيسبوك وعلى اليوتيوب ممكن يكتبه انا بشوفه لأ بالزبط كده. الاخت ام آآ لأ. هي هداية ابراهيم اول واحدة جابتها اهي. اول واحدة جابتها - 00:22:36

لا لا لا العرجون القديم ده اللي ربنا بيتكلم على مراحل مراحل القمر لكن ربنا بيقول ولبثوا في كهفهم ثلاثمائة سنين وازدادوا تسعا اصحاب الكهف ناموا في الكهف قد ايه ؟ تلتमित سنة. ده بالتقويم الشمسي - 00:22:58

اللي مش عاجبكم التقويم الشمسي وازدادوا تسعة لان السنة القمرية اقل حداثر يوم من السنة الشمسية. يبقى كل ثلاثة وتلاتين سنة اه اه شمسية يبقوا بيساوي اربعة وتلاتين سنة هجرية. عشان كده الشهور الهجرية بتدور - 00:23:20

احنا كل سنة بتتزعزع حداثر يوم يبقى كل ميت سنة شمسية بقوا مية وثلاثة سنة هجرية. يبقى ولبثوا في كهفهم ثلاثمائة سنين شمسية. وازدادوا تسعا هجريا او قمرية يعني خلاص - 00:23:46

يبقى ده اعتراف القرآن بالتقويمين. احنا محتاجين التقويمين. طيب. ان عدة الشهور عند الله اثنا عشر شهرا في كتاب الله يوم خلق السماوات الارض منها اربعة حرم منها اربعة حرم - 00:24:05

اه سواء بقى كان حكم الاشهر الحرم ده شرع شرعه الله لابراهيم صلى الله عليه وسلم زي ما بعض المفسرين ذكروا او ان ده اتفاق العرب اتفقت عليه والاسلام احترم هذا الحكم. الى ان نسخ في اخر الامر على الرأي انه نسخ. ان في رأي لم ينسخ كمان - 00:24:23
سواء بقى ده شرع ربنا شرعه ولا هم العرب اتفقوا عليه واحنا اقرناه آآ الاسلام اقر بوجود الاربعة اشهر حرم دول. حرم يعني محرمة يعني معظمة. يعني ايه معظمة ؟ يعني المعصية فيها اشد - 00:24:47

عقبا والطاعة فيها اكثر ثوابا وده مش جديد. على فكرة يعني ربنا فضل يوم الجمعة على باقي الايام هو اللي خلق الايام وهو يفضل زي ما هو كما يريد فضل شهر رمضان على باقي الشهور - 00:25:08

فضيلة القدر على سائر الليالي فضل العشرة الاوائل من ذو الحجة على باقي الايام ما فيش مشاكل فضل يوم عرفة بالذات على كل الايام ان عدة الشهور عند الله اثنا عشر شهرا في كتاب الله يوم خلق السماوات والارض منها اربعة حرم. ذلك الدين - 00:25:24
ابن القيم فلا تظلموا فيهن انفسكم. هذا هو الدين القيم المستقيم. قيم يعني مستقيم واضح لا عوج فيه فما تظلموش انفسكم فيهم ابن عباس بيقول ما تظلموش انفسكم في اي شهور. الاربعة دول لأ. في التناشر شهر - 00:25:48

في الاثنى عشر شهرا ومعقول ربنا هيقول لنا ما تظلموش انفسكم في الاشهر الحرم بس وازلموا انفسكم في الباقيين لأ طبعاً. ده زلم النفس اصلا هو الشرك ظلم النفس هو الشرك. ان الشرك لظلم عظيم - 00:26:08

والمعاصي ظلم للنفس. فلا يعقل ابدا ان ربنا يقول لنا ما تظلموش انفسكم ما ترتكبوش معاصي ما ترتكبوش شرك. في الاربعة اشهر دول. يعني ابن عباس يقول يقصد بها كل الاشهر - 00:26:23

واللي بيقول ان مقصود بها الاشهر الحرم قالوا ان المقصود بظلم النفس هنا هو القتال. طالما ان القتال محرم يعني خلاص بعدها على طول آآ وقاتلوا المشركين كافة كما يقاتلونكم كافة. واعلموا ان الله مع المتقين - 00:26:36

هنا الامر بالحفاظ على وحدة الصف المسلم زي ما المشركين بينسوا خلافاتهم ويتوحدوا عند قتال المسلمين فتجد مسلا في غزوة الخندق العدو كان احزاب مختلفة مشركين من قريش مشركين من الاحابيش يعني سكان مكة من غير قريش - 00:27:00
مشركين قبيلة غطفان فزارة وبنو مرة واشجع دول ست الاف واحد لوحدهم. فبس في الاحزاب حلفاؤهم بنو اسد وسليم ده غير يهود بني النضير. ومن جوة المدينة يهود بني قريظة. فكل دول مكفرين بعض اصلا. كلهم مكفرين بعض - 00:27:27

لكن بيبقوا يد واحدة ضد المسلمين فلا يجوز للمسلمين انهم يتفرقوا وقاتلوا المشركين كافة كما يقاتلونكم كافة. ما تفرقوش كلمتكم ايضا لها تفسير اخر وهو قاتلوا المشركين في هذه الشهور التناشر كافة - 00:27:47

كما يقاتلونكم في الاشهر الحرم وهم كمان كافة واذا كان هذا التفسير هو الصحيح يبقى هذا نسخ لتحريم القتال في الاشهر الحرم هو اصلا الصلاة والسلام على فكرة آآ آآ حاصر قبيلة آآ هوازن في شوال - 00:28:10

القتال بدأ بعد ما انتهى شوال اه بس هو يعني دي يعني الحصار هذا عمل من اعمال القتال. فالتبي حصر في شوال. طيب الشهر بالحرائر شوفوا سورة البقرة ربنا بيقول الشهر الحرام بالشهر الحرام والحرما قصاص. فمن اعتدى عليكم فاعتدوا عليه بمثل ما اعتدى عليكم - [00:28:34](#)

واتقوا الله واعلموا ان الله مع المتقين اذا طالما العدو يعتدي في الشهر الحرام نرد في الشهر الحرام ايضا واحنا اصلا كده كده منهيين اصلا عن الاعتداء في كل الشهور احنا ما بنعتديش اصلا - [00:28:54](#)

خلاص وقاتلوا المشركين كافة كما يقاتلونكم كافة. واعلموا ان الله مع المتقين. المسلمين مأمورين بالتقوى في كل شيء في قتالنا لازم نتقي الله. في سلمنا لازم نتقي الله. في معاهدتنا لازم نتقي الله - [00:29:08](#)

خلاص؟ نخلي الاية سبعة وثلاثين لبكرة اللي نقرأها دلوقتي. انما النسي زيادة في الكفر. يضل وبه الذين كفروا يحلونهم عاما ويحرمونه عاما. ليواطؤوا عدة ما حرم الله فيحلوا ما حرم الله. زين لهم سوء اعمالهم والله لا يهدي القوم الكافرين - [00:29:27](#)

بكرة ان شاء الله بقى ايه نتدبر الاية دية اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب - [00:29:57](#)

اللهم اجعل حبك احب الينا من اهلينا واموالنا ومن الماء البارد على الظمأ اللهم حببنا اليك والى ملائكتك وانبيائك ورسلك وعبادك الصالحين. واجعلنا ممن يحب ويحب ملائكتك وانبيائك ورسلك وعبادك الصالحين. اللهم احبي قلوبنا بحبك واجعلنا لك كما -

[00:30:18](#)

تحب اللهم اجعلنا نحبك بكل قلوبنا. ونرضيك بكل اجسادنا. اللهم اجعل حبنا كله لك وسعينا كله في مرضاتك. اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسن - [00:30:45](#)

جميعا اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون فبحق كل حرف في كتابك تلوناه او تدبرناه اكفنا واهلينا واخواننا واخواتنا شر كل من يكيد - [00:31:15](#)

لنا ولهم واحفظنا واياهم من شرورهم ونجعلك اللهم في نحورهم فانت الوكيل ولا حول ولا قوة الا بك. اللهم بحق كل حرف في كتابك تلوناه او تدبرناه ايد بنصرك المرابطين في الارض المباركة فلسطين. اللهم سد رميهم وخيب رمي عدوهم وتقبل - [00:31:37](#)

شهادتهم وانصرهم في جهادهم. وكن مع اخواننا في تركستان الشرقية وفي الشام وفي كشميرا وفي الهند. وانصر من نصرهم واخذل من خذلهم وطهر المسجد الاقصى من الدنس فانهم لا يعجزونك. واكتب لنا يا ربنا ختم القرآن فيه. اللهم انك تعلم ان - [00:32:02](#)

القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك. وتعاهدت على نصره شريعتك. فوثق الله مرابطتها. وادم ودها واهدها سبلها. واملأها بنورك الذي لا يخبو واشرح صدورنا بفيض الايمان بك وجميل التوكل عليك -

[00:32:22](#)

واحبها يا ربنا بمعرفتك وامتها يا مولانا على الشهادة في سبيلك. انك نعم المولى ونعم النصير وصل اللهم وسلم على سيدنا محمد وعلى اله وصحبه ومن تبع هداة. والسلام عليكم ورحمة الله. ونراكم غدا باذن الله - [00:32:48](#)

في نفس هذا الموعد ان كنا من اهل الدنيا - [00:33:10](#)